



Møteprotokoll Formannskapet

Møtedato: 08.04.2020
Møtestad: Elektronisk møte
Møtetid: 12:00 - 13:30

Elektronisk møte pga smittesituasjonen kring Korona/Covid-19.

Frammøtte medlemmer	Parti	Rolle
Per Lerøy	AP	Ordførar
Inger Lise Brekke	H	Varaordførar
Morten Sognnes	H	Medlem
Helge Dyrkolbotn	KRF	Medlem
Bjørn Inge Håland Dyrkolbotn	SP	Medlem

Desse møtte frå adminstrasjonen:

Asbjørn Nagell Toft
Bjørnar Fjellhaug
Ketil Tjore
Liv Løvvik
Monika Kvamme
Odd Harald Dommersnes
Rolf-Henning Myrmel
Stein Kåre Løvslett
Thomas Lindås

Austrheim 15. april 2020

Per Lerøy
ordførar

Ketil Tjore
møtesekretær

Sakliste

Saknr	Tittel
036/20	Godkjenning av innkalling og saksliste
037/20	Godkjenning av møteprotokoll
038/20	Meldingar
039/20	Delegerte saker
040/20	Orienteringssak
041/20	Klage på vedtak om dispensasjon til bygging av bustad, garasje og kai på gbnr. 133/100 - Synnevåg
042/20	Klage på formannskapet sitt vedtak om å gjeva dispensasjon frå byggjegrænse og arealformål til bygging av garasje på gbnr. 157/81 - Buholmen
043/20	Kommunale utleigebustadar
049/20	Forlenging av skulestenging - til og med fredag 17. april

036/20: Godkjenning av innkalling og sakliste

Rådmannen sitt framlegg:

Innkalling og sakliste vert godkjent

08.04.2020 FORMANNSKAPET

Handsaming i formannskapet:

Rådmannen sitt framlegg vert samrøystes vedteke

FS - 036/20 - 08.04.2020 - Vedtak:

Innkalling og sakliste vart godkjent

037/20: Godkjenning av møteprotokoll

Rådmannen sitt framlegg:

Møteprotokoll frå forrige møte vert godkjent

08.04.2020 FORMANNSKAPET

Handsaming i formannskapet:

Rådmannen sitt framlegg vart samrøystes vedteke.

FS - 037/20 - 08.04.2020 - Vedtak:

Møteprotokoll frå forrige møte vart godkjent.

038/20: Meldingar

Rådmannen sitt framlegg:

Meldingane vert tekne til orientering

08.04.2020 FORMANNSKAPET

Handsaming i formannskapet:

Rådmannen sitt framlegg vert samrøystes vedteke.

FS - 038/20 - 08.04.2020 - Vedtak:

Meldinga vart teke til orientering.

039/20: Delegerte saker**Rådmannen sitt framlegg:**

Delegerte saker vert tekne til orientering

08.04.2020 FORMANNSKAPET

Handsaming i formannskapet:

Rådmannen sitt framlegg vart samrøystes vedteke.

FS - 039/20 - 08.04.2020 - Vedtak:

Delegerte saker vart tekne til orientering.

040/20: Orienteringssak**Rådmannen sitt framlegg:**

Ingen orienteringar i dette møtet.

08.04.2020 FORMANNSKAPET

foreslått av:

Ingen orienteringar i dette møtet.

Ingen orienteringar i dette møtet.

FS - 040/20 - 08.04.2020 - Vedtak:

Ingen orienteringar i dette møtet.

041/20: Klage på vedtak om dispensasjon til bygging av bustad, garasje og kai på gbnr. 133/100 - Synnevåg

Rådmannen sitt framlegg:

Austrheim kommune tek klagen til Fylkesmannen i Vestland delvis til følgje. Det vert ikkje gjeve løyve til å byggja omsøkt kai. Det vert på vilkår gjeve dispensasjon frå byggjegrense mot sjø og dispensasjon frå arealformål til bygging av bustadhus og garasje på gbnr. 133/100 på Synnevåg.

-Vilkåret er at det 4 meter inn i avkøyrsla skal det vera fri sikt 54 meter langs fylkesveg.

-Vilkået er at Statens vegvesen gjev løyve til utvida bruk av avkøyrse til fylkesveg 5500, jf. veglova §§ 40 og 43.

Grunngjevinga er gjeve i saksutgreiinga.

Vedtaket er heimla i forvaltingslova § 33.

Vedtaket om dispensasjon frå kommuneplanen sin arealdel godkjent den 11.04 i 2019 er heimla i plan-og bygningslova si § 19-2, jf. § 11-6 og naturmangfaldslova §§ 8-12.

Vedtaket vert oversendt til Fylkesmannen i Vestland til klagevurdering.

08.04.2020 FORMANNSKAPET

Sakshandsamar Asbjørn Toft orienterte om saka.

Austrheim kommune har komme Fylkesmannen i møte, for å få dispensasjonen godkjent.

Handsaming i formannskapet:

Samrøystes for rådmannens framlegg til vedtak.

FS - 041/20 - 08.04.2020 - Vedtak:

Austrheim kommune tek klagen til Fylkesmannen i Vestland delvis til følgje. Det vert ikkje gjeve løyve til å byggja omsøkt kai. Det vert på vilkår gjeve dispensasjon frå byggjegrænse mot sjø og dispensasjon frå arealformål til bygging av bustadhus og garasje på gbnr. 133/100 på Synnevåg.

- Vilkåret er at det 4 meter inn i avkøyrsla skal det vera fri sikt 54 meter langs fylkesveg.

- Vilkåret er at Statens vegvesen gjev løyve til utvida bruk av avkøyrsløp til fylkesveg 5500, jf. veglova §§ 40 og 43.

Grunngjevinga er gjeve i saksutgreiinga.

Vedtaket er heimla i forvaltingslova § 33.

Vedtaket om dispensasjon frå kommuneplanen sin arealdel godkjent den 11.04 i 2019 er heimla i plan- og bygningslova si § 19-2, jf. § 11-6 og naturmangfaldslova §§ 8-12.

Vedtaket vert oversendt til Fylkesmannen i Vestland til klagevurdering.

042/20: Klage på formannskapet sitt vedtak om å gjeva dispensasjon frå byggjegrænse og arealformål til bygging av garasje på gbnr. 157/81 - Buholmen

Rådmannen sitt framlegg:

Austrheim kommune sitt formannskap tek ikkje klagen til Ruben Johnsen til følgje. Grunngjevinga er at det føreligg ingen nye opplysningar eller moment i klagen som ikkje er nemnd i nabomerknaden eller utgreidd grundig tidlegare i sakshandsaminga. Det er difor ikkje grunn til å sjå på saka på nytt. Vedtaket er heimla i forvaltingslova si § 33. Klagen vert sendt over til endeleg avgjerd hjå Fylkesmannen i Vestland.

08.04.2020 FORMANNSKAPET

Sakshandsamar Asbjørn Toft orienterte om saka.

Om dette vert vedteke slik det ligg frå rådmannen, så vil saka gå vidare til juridisk handsaming hjå Fylkesmannen.

Ordførar Per Lerøy (Ap) sa at han håpa at naboane i denne saka kan komma til semje, slik at dei kan leva saman.

Varaordførar Inger Lise Brekke (H) sa at begge partar må gje og ta for å komma til semje her.

Bjørn Inge Håland Dyrkolbotn (Sp) sa at denne saka vore diskutert i partiet, og sa at det er trasig at den eine parten ikkje får dispensasjon, når den andre får godkjenning utan å ha spurt først.

Inger Lise Brekke (H) viste til at det i Austrheim er lagt godt til rette for å komma i kontakt med teknisk etat, og få råd derifrå før ein gjennomfører tiltak. Viktig at denne informasjonen kjem ut til innbyggjarar som skal i gang med tiltak, slik at dei hentar inn råd før dei startar arbeidet.

Bjørn Inge Håland Dyrkolbotn (Sp) referte frå diskusjonen i eiga partigruppe at kommunen må unngå at ein får nei og ein får ja.

Handsaming i formannskapet:

Samrøystes for rådmannens framlegg til vedtak.

FS - 042/20 - 08.04.2020 - Vedtak:

Austrheim kommune sitt formannskap tek ikkje klagen til Ruben Johnsen til følgje. Grunngjevinga er

at det føreligg ingen nye opplysningar eller moment i klagen som ikkje er nemnd i nabomerknaden eller utgreidd grundig tidlegare i sakshandsaminga. Det er difor ikkje grunn til å sjå på saka på nytt. Vedtaket er heimla i forvaltingslova si § 33. Klagen vert sendt over til endeleg avgjerd hjå Fylkesmannen i Vestland.

043/20: Kommunale utleigebustadar

Rådmannen sitt framlegg:

Austrheim formannskap tek orientering til vitande og ber om at ei løysing på bustadar til personar med spesielle behov/utfordringar og/eller redusert bo evne vert arbeid vidare med og at ei gjennomarbeid løysing med finansiering vert lagt fram til formannskapet/kommunestyret snarast.

08.04.2020 FORMANNSKAPET

Leiar teknisk drift Rolf Henning Myrmel orienterte om saka. Stoda er at kommunen i dag ein del brukarar som ikkje bør bu i vanlege kommunale bustader som er tomanns- eller firemannsbustader. Har også tidlegare sett på bustader for denne gruppa, med tanke på bueiningar som er vandalsikre og dermed har lågare vedlikehaldsutgifter over tid.

Myrmel ser for seg at behovet for denne typen bustader berre vil auka framover. Har sett litt på moglege plasseringar, og har eit areal kommunen eig i nærleiken av Uthaug-bygget. Har vurdert ulike løysingar, både ferdige bygg, men kan også bygga på plassen. Usikkert kva det vil kosta, men kring halvannen million per bueining. Myrmel har hatt kontakt med Helse/Omsorg i denne saka, dei må trekkast med i diskusjonen om korleis noko slikt skal gjennomførast.

Ordførar Per Lerøy (Ap) sa at dette er noko ein må jobba vidare med. Slik det er i dag, er det andre bebuarar i bygningane som har vore urolege på grunn av åtferda av bebuarar som kommunen har plassert der. Kommunen har eit ansvar for alle, men må samstundes sjå til at ein ikkje stigmatiserer dei som skal bu i kommunale bustader. Her må alle samlast med kreative idear, som tar omsyn til bebuarar og naboar.

Varaordførar Inger Lise Brekke (H) sa at dette er ei problemstilling mange stader, med bebuarar med utfordringar med rus og psykiatri. Er eit dilemma korleis desse skal plasserast, på den eine sida ikkje stigmatisera, på den andre sida kan dei ikkje ha bueiningar ute i skogen som kan verta ein samlingsplass for rus og kriminalitet. Bør sjå på kva andre kommunar har fått til, og kopla på Nav og statlege direktorat for å finna løysingar. Her i Austrheim er det også trong for ei betre teneste innan rus og psykiatri.

Per Lerøy (Ap) svara på spørsmål frå Helge Dyrkolbotn (KrF), og sa at det er behov for fire slike bustader.

Inger Lise Brekke (H) sa at det er varierende buevne hjå den enkelte brukar. Frå Nav si side har ein ikkje ønskje om plassering i private bustader. Bør plasserast i små tun, og ikkje saman i tilfelle der det er uttrykkingar eller anna til ein av bustadene.

Rådmann Liv Løvvik sa at det bør vera frittliggande bueiningar, slik at det ikkje er fare for brannsmitte mellom einingane. Bør også vera ei vaktmeisterteneste, der nokon kikkar innan av og til

for å sjå om det går bra. Treng ikkje vera store einingar.

Per Lerøy (Ap) sa at kommunen ikkje bør ha kommunale bueiningar der det er private eigarar i same bygg. Kan ikkje ha slike bebuarar i same bygg som småbarnsfamiliar. Dette har vore ei utfordring i nokre år, ein har klart å finna løysingar, men så har det komme nye klientar inn.

Helge Dyrkolbotn (KrF) sa at om ein klarer det som er nemnt i vedtaket, så er det ein god start.

Rolf Henning Myrmel sa at ein har tre leilegheiter som kan seljast for å få finansiering, og har ei kommunal tomt. Kan slik få bygd to bustader ganske kjapt, og kanskje utfordra Austrheim vidaregåande til å bygga ein tredje?

Inger Lise Brekke (H) sa at det også er viktig å skjerma naboar i tilfelle der det er vanskar, det kan vera psykisk utfordrande for dei å ha dette tett på.

Morten Sognnes (H) viste til konkrete uromeldingar som har komme frå naboar til kommunale bustader, og at det absolutt er behov for å etablera eit nytt tilbod. Meiner ei konteinarløysing bør vera aktuelt for kommunen, som ei rask løysing i denne situasjonen som ein er i no.

Rolf Henning Myrmel sa at ein har sett på kva andre kommunar har gjort, og at det er laga leilegheiter rundt om som toler hard bruk.

Inger Lise Brekke (H) sa at det må vera ei vaktmeister teneste som kan følgja med på kva som skjer. Må sjå på behov og tilsyn opp mot rus og psykiatri.

Rådmann Liv Løvvik sa at det også er kostbart når ein må rehabilitera leilegheiter som er utsette for hard bruk.

Inger Lise Brekke (H) ba om at formannskapet vert orienterte vidare om det som skjer i denne saka.

Morten Sognnes (H) viste til at det vil vera veldig uheldig om det skjer noko med dei andre som bur i desse bygga der det er kommunale bustader.

Liv Løvvik sa at kommunen har starta arbeid med den bustadsosiale handlingsplanen, der dette er ein del.

Handsaming i formannskapet:

Rådmannen sitt framlegg vart samrøystes vedteke

FS - 043/20 - 08.04.2020 - Vedtak:

Austrheim formannskap tek orientering til vitande og ber om at ei løysing på bustadar til personar med spesielle behov/utfordringar og/eller redusert bo evne vert arbeid vidare med og at ei gjennomarbeid løysing med finansiering vert lagt fram til formannskapet/kommunestyret snarast.

049/20: Forlenging av skulestenging - til og med fredag 17. april

Rådmannen sitt framlegg:

Skular og barnehagar i Austrheim kommune vert, heilt eller delvis, tidlegast opna for ordinær drift

måndag 20. april 2020.

08.04.2020 FORMANNSKAPET

Kommunalsjef oppvekst og kultur Bjørnar Fjellhaug orienterte om saka:

- Etter at denne saka var førebudd kom det ny melding frå regjeringa om opning av skular (1. til 4. trinn frå 27. april) og barnehagar (frå 20. april). Etter påska skal det komma føringar på korleis dette skal gjennomførast. Ein ser for seg at det vert meir uteskule, mindre grupper med meir. Har hatt møte med styrarar og rektorar i dag for å sjå nærare på dette. Ser på reinhald, tilgang til såpe med meir, avstand mellom elevar, måltidsrutinar, for å sjå kva som skal til. Opning av barnehagane frå 20. april kan verta knapt tidsmessig, om den statlege rettleiaren først er klar torsdag 16. april.

Rådmann Liv Løvvik viste til at når dei statlege retningslinjene kjem, så vil smittevernlegen sjå på om dette fungerer lokalt.

Kommunalsjef Fjellhaug viste til at smittevernlegen har sagt at personale eller elevar med symptom på luftvegsinfeksjon ikkje skal vera på skulen eller i barnehagen, og må vera heime til minst ein dag etter at symptoma er vekke.

Ordførar Per Lerøy (Ap) sa at han kjende seg trygg på at dette vert løyst på ein god måte her i Austrheim.

Rådmann Liv Løvvik sa at det vil komma utfordringar med ressursar, mellom anna med enkelte som er omdisponerte til andre oppgåver i samband med Korona.

Helge Dyrkolbotn (KrF) sa at det er utfordringar i dette, er der areal nok på skulen, kva gjer ein med dei som ikkje leverer borna på skulen eller i barnehagen, kva gjer ein med tanke på betaling i barnehage og evt. fjernundervisning for elevar som ikkje kjem på skulen.

Ordførar Per Lerøy (Ap) sa at born som ikkje brukar barnehageplassen, ikkje bør betalast for.

Rådmann Løvvik sa at ein må sjå nærare på kva som gjeld for statleg kompensering for kommunen sine tapte inntekter, om ein skal seia opp plassen i barnehagen eller liknande for å sleppa å betala.

Inger Lise Brekke (H) oppmoda til at ein så langt som mogleg klarer å halda dei datoane som er sette sentralt for opning av barnehage og skule, slik at bedriftene får tilbake sine tilsette. Oppfordrar til at kommunen hentar inn dei ressursane som trengst, for å klara dette.

Rådmann Løvvik sa at ein skal gjera så godt ein kan med å vera budde, og så må ein sjå dei retningslinjene som kjem over påske. Økonomisk sett så har kommunen fått 2,2 millionar som skal dekkja utgifter og skatteta. Det er knapt, men ein merkar utgifter for Korona slik at ein ser kva dette er kosta. Med dei skattetapa som ein ser no, er det usikkert med likviditeten på litt sikt. I vedtaket er det elles teke inn atterhald med tanke på at ein må ha ein del ting på plass før opning, som areal, skyss, tilsette som er disponible eller som er overflytta til helse/omsorg, eller har eigne helseutfordringar.

Inger Lise Brekke (H) sa at det ligg ein viktig jobb for personalet med å gje barn og foreldre ein tryggleik over at tilbodet er sikkert i skule og barnehage, slik at ingen har borna heime av di at dei er utrygge.

Helge Dyrkolbotn (KrF) sa at når barnehagetilbodet er definert som ope, så må ein betala for det. Betaling har vore ute når det var stengt, men når det er ope igjen må ein betala også.

Per Lerøy (Ap) sa at det er viktig å følgja dei statlege retningslinjene for når skular/barnehagar skal opnast, også for å sikra frigjering av arbeidskraft, slik det er nemnt av Inger Lise Brekke.

Inger Lise Brekke (H) sa at Austrheim er i to kriser med oljekrise og Korona. Veldig viktig at alle brukar det, er barnehagen open så må ein betala for plassen eller ta barnet ut.

Kommunalsjef Bjørnar Fjellhaug sa at ein skal jobba for å klara desse datoane (20. og 27. april), og at betalinga må starta igjen når tilbodet er på plass igjen (barnehage). Skulen er eit lovpålagt tilbod, og om nokon held barna heime så må foreldra ta ansvar for undervisninga, kommunen har ikkje kapasitet til å driva begge former for undervisning. Er ein del punkt som treng avklaring, til dømes at tilsette i skule/barnehage må møta på jobb, men har omsorgsplikter heime for barn som ikkje skal på skulen. Vil henta inn studentar for å hjelpe til i skule og barnehage, mellom anna med tanke på tilsette som er spesielt risikoutsette. Må også ha eit undervisningstilbod til elevar i 5. - 6. og 7. klasse, sidan desse årstrinna ikkje skal på skulen i første omgang.

Inger Lise Brekke (H) ba om at det vart informert ut til heimane. Kommunalsjef Bjørnar Fjellhaug svara at det vil gå informasjon ut både via Vigilo-systemet i skulane, og frå kommunalsjefen direkte til heimane. Møtesekretæren samarbeider med Fjellhaug om å formidla informasjon via kommunen si nettside/Facebook.

Handsaming i formannskapet:

Rådmannen sitt framlegg vart samrøystes vedteke

FS - 049/20 - 08.04.2020 - Vedtak:

Skular og barnehagar i Austrheim kommune vert, heilt eller delvis, tidlegast opna for ordinær drift måndag 20. april 2020.
